



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Fase 3 di Proyecto Baby Beach ta bay cuminsa

MINISTER Demisionario Dangui Oduber ta contento di informa cu tin mas proyecto cu ta den tramite pa cuminsa. Como parti di a maneho di turismo, fin di aña 2024 a logra firma varios proyecto cu lo bay cuminsa e aña binidero. Tur e proyectonan aki, tawata tin varios luna caba den preparacion y ta sumamente contento di mira nan bay wordo realisa.

Pa hopi aña caba ta trahando riba e masterplan di Sero Colorado y despues di un tramite basta intensivo di preparacion y destaho, awe mi ta orguyoso di anuncia cu fase 3, cual t'e dos canchanan di tennis na Baby Beach ta bay wordo renoba.

Cu esaki nos localnan lo tin oportunidad pa pasa tempo recreativo cu nan ser keri y tambe aporta na nan salud. E bunita di e proyecto aki ta, cu lo converti esaki den no solamente cancha unda por hunga e deporte di tennis, pero tambe basketball, pickle ball, volleyball y tambe futsal, un "multi funcional court".

Na mes momento ta contento di anuncia cu Baby Beach su 'welcome sign' nobo ta den fase final pa wordo entrega. E vision tras di e sign aki ta pa implementa un diseño unico na cada beach di Aruba, cual lo tin característica di e beach. E sign aki na Baby Beach ta bira e prome, dus e t'e ehemplar pa otronan cu mester wordo realisa ainda.

Mescos e proyecto aki, asina tin hopi mas proyecto di ministerio di Turismo cu lo ta den pleno ehecucion durante aña 2025 conforme e maneho cu a wordo hiba e ultimo añanan di inversion den mehoracion di producto Aruba.

Mi kier a duna un aprecio y gradicimento na Departamento di Obra Publico (DOW) pa diseña y encamina e proceso di destaho y tambe Aruba Tourism Authority (ATA) pa kere den e proyecto.

Trabou nan ta premira pa start pronto y lo dura algun luna. Corda tene na cuenta cu e area den momentonan di construccion. Minister ta hopi satisfecho di mira cuanto proyecto a wordo ehecuta caba y cuanto lo bay cuminsa e aña aki.

